

Framtidsfylket AS

v/ Gro Rukan
Pb 600
6804 FØRDE



Sogn og Fjordane Fylkekommune

V/ Næringsavdelinga

Førde, 30. juli 2016

Søknad om støtte til Framtidsfylket karrieremesser 2017

Bakgrunnsinfo

Sogn og Fjordane har sidan 2007 organisert egne fylkesdekkjande karrieremesser i studiebyane Trondheim, Oslo og Bergen. Målsettinga er at å vise fram karrieremoglegheitene som finns i næringslivet i Sogn og Fjordane. Responsen har i alle år vore bra, og evalueringane tyder på at messene er innarbeid som ein viktig møteplass for studentar, nyutdanna og næringslivet vårt. Fylkeskommunen i Sogn og Fjordane har i alle desse åra vore ekstremt viktige støttespelarar. Framtidsfylket er særst takksam for både økonomisk støtte og engasjement. Begge deler er, og har vore, heilt naudsynt for suksess.

Dei seinare åra har det vore ein oppsving i tal standar i Bergen, og helde seg stabilt i dei to andre byane. Messa i Bergen er den største, og vil nok alltid vere den aller viktigaste for dei fleste bedriftene frå fylket. Som resultat av arbeidet med karrieremesser er det fleire verksemder som rapporterer om tilsettingar som følgje av kontakt etablert på messene. Samstundes fortel evalueringa at gjestane har fått auka kunnskap om mangfaldet i jobbmarknaden. Konkrete resultat i høve omdømebygging for fylket er vanskeleg å måle, men at desse messene bidreg positivt til profilering av fylket vårt er det lite tvil om.

Marknadsføring

Vi har stort fokus på å nå fram til målgruppa, og vi har etterkvart opparbeid mykje erfaring på dette området. Evalueringa vår viser at sjølv om vi kjøper mykje annonseringstenester, så er det heilt tydeleg at sosiale medium, egne e-postlister og «jungeltelegrafan» er aller viktigast. Vi kjem til å ha stort fokus på å perfeksjonere oss på sosiale media, samstundes som vi fortsatt vil kjøpe litt annonsering internt i eige fylket og i nokre utvalde studentkanalar.

Mobilisering internt i heile fylket er viktig for resultatet med tanke på deltaking av bedrifter, og spreiring av invitasjonar i nettverk. Vi jobbar heile tida for å skape ei brei forståing hos verksemdene i Sogn og Fjordane om at karrieremessene er "deira egne arrangement". Karrieremessene og Framtidsfylket er fortsatt eit viktig samhandlingsprosjekt for profilering av og tilflytting til fylket vårt.

Arrangementa 2017

Magasinet #[Utanfilter](#) kom ut for første gong til karrieremessene i 2016. Dette er eit moderne høgkvalitetsmagasin om Sogn og Fjordane som skal skape stoltheit og få folk til å få lyst til å ta del i framtida til fylket. Vi har fått mykje positive tilbakemeldingar på magsin nr 1, og på kampanjen #beasognandfjording. Utgåve nr 2 kjem til karrieremessene i 2017.

Gründertorg var også ei nysatsing i 2016 som vi kjem til å ta med oss til messene 2017. Her vert det presentert nokre utvalde gründarar frå fylket. Gründertorget er eit samarbeid med Innovasjon Norge og Kunnskapsparken Sogn og Fjordane. Vi meiner det er viktig at vi i Sogn og Fjordane marknadsfører kva fordelar ein har ved å etablere seg i fylket vårt.

Alle detaljane er ikkje på plass pr juli 2016, men i grove trekk føl vi same mal som tidlegare.

Med tanke på plenumssamlinga, så er Line Dybedal booka til å spele, og vi kjem til å servere litt mat og drikke slik som før. Sist, men ikkje minst legg vi til rette for ein kveld med god mat og drikke for alle standhaldarane i Bergen etter messa i Grieghallen. Denne type nettverksarenaer er særst viktig for å styrke samhandlinga mellom standhaldarane som kjem både frå næringsliv og offentleg sektor.

Datoane og lokalval i 2017

Trondheim -	Scandic Lerkendal -	26. januar,
Oslo -	Ballroom -	2. februar,
Bergen -	Grieghallen -	15. februar,

Samarbeidspartnarar

Framtidsfylket AS er prosjektleiar og ansvarleg for både økonomi og gjennomføring. Vi har det administrative arbeidet for å planlegge dette, men vi ønskjer å jobbe tett saman med Sogn og Fjordane fylkeskommune, regionråda, Kunnskapsparken, Innovasjon Norge, kommunane, utviklingsselskap og næringsliv.

Midlar

For å kunne realisere profileringsmessene til Sogn og Fjordane er det naudsynt å lage til eit spleiselag slik som tidlegare år. Den totale budsjetttramma for Trondheim, Oslo og Bergen i 2017 er på 1.762.000 kroner. Storparten av finansieringa for dette kjem frå standhaldarar gjennom deira betaling av standavgift. I tillegg søkjer prosjektet midlar frå alle 4 regionar og Sogn og Fjordane fylkeskommune.

Framtidsfylket meiner det er viktig å oppretthalde innsatsen på desse etter kvart tradisjonsrike karrieremessene. Dei er viktige for næringslivet og kommunane i Sogn og Fjordane, særleg med tanke på framtidige utfordringar i forhold til rekruttering.

Framtidsfylket søkjer med dette Sogn og Fjordane Fylkeskommune om kr 200.000,- i støtte til gjennomføring av karrieremesser i Oslo, Trondheim, og Bergen 2017.

Med venleg helsing,

Gro Rukan
Dagleg leiar

Vedlegg:
Budsjett karrieremesser 2017
Evaluering messer 2016

